



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Bonis Operibus Docto. Martini Lutheri Liber

Luther, Martin

Vuittemberge, 1521

VD16 L 7151

Vigesimo.

urn:nbn:de:hbz:466:1-33333

Quod tamen non satis sit, sed inter id etiā precipitur, vt nomen eius colamus, inuocemus, predicemus & laudemus. Nec reuera possibile est nomen dei non irreuerenter haberi vbi non vere colitur. Quāuis em̄ ore, genuum flexione, osculatione, vel alijs gestibus honoratur, tamē si hoc non sit ex corde per fidem in fiducia erga deum, nihil tamen est nisi species & color hypocriticos & simulationis. Nunc vide, quā multiplicia bona opera possit hō in hoc præcepto omnibus horis facere, & nunq̄ sine bonis opibus huius præcepti esse, si velit, vt certe non habeat opus longe peregrinari, aut loca sancta visitare. Dic ergo, quod nam momentū transmitti possit, quo non sine intermissione, vel bona dei accipiamus, vel malas aduersitates patiamur? Quid autē sunt dei bona & aduersitates aliud, quā perpetuę admonitiones & puocamenta ad deū laudandū, colendū, & benedicendū, eumq; & eius nomen inuocandū? Itaq; etiā rerū omnīū vacuus & feriatius, nonne satis habeas negotiū in hoc vel vnico præcepto, vt deum perpetuo benedicas, cantes, laudes & colas? Nam ad quid aliud lingua, vox, idioma, & os cōdita sunt, vt est in psal. 50. Domine labia mea aperies, & os meum annuntiabit laudem tuā. Item. Labia mea laudabunt te. Quid em̄ in cœlo est operis nisi huius secundū præcepti? Vt legitur psalmo. 83. Beati qui habitant in domo tuā dñe, in secula seculorū laudabūt te. Sic Dauid in psalmo 33. Semper laus eius in ore meo. Et S. Paulus. 1. Cor. 10. Siue ergo manducatis, siue bibitis, vel aliud quid facitis omnia in gloriam dei facite. Itē ad Coloss. 3. Omne quodcūq; facitis in verbo aut in opere, omnia nomine dñi nostri Ihesu Christi agite, gratias agentes deo, & patri per ipsum. Quod si hoc opus obseruauerimus, hic in terris regnū cœlorū habebimus, sed & semper satis superq; quod ageremus, sicut & beati in cœlo.

VIGESIMO.

¶ Hinc venit admirabile & iustū dei iudiciū, quod interdum inops & pauper homo, quē nemo respicit, multa & magna opa secum habeat, & domi suę & secū vel deum hilariter laudat, in rebus secundis, vel in aduersis plena cum fiducia inuocat, in eo matius & acceptius faciens opus, q̄ alius multū ieiunans, orans, cōplacens, peregrinans, & hic & alibi sese multis operibus defatigans. Hic em̄ eidem fit fatuo, vt osciter respiciens ad magna opa, ita prorsus cœcus, vt hoc tam magnū opus nunquam obseruet. Vt deum laudare in eius oculis parū sit opus, præ magnis imaginibus excogitatis, proprijs operibus. In quibus fortassis seipsum plus quā deum laudat, vel saltem voluptatem ex illis capit ma-

forem quā in deo, & ita bonis operibus secundū pręceptū dei & eius opera oppugnat. Sicut phariseus in Euāgelio & publicanus horum omnium figuram exhibent. Nam peccator in suis peccatis deum inuocabat, & laudabat, tangens duo summa pręcepta, fidē & dei honorem. Phariseus uero neutrum horum affectus sese ostendebat in alijs bonis operibus, quibus non in deo, sed semetipso gloriabatur, magis in seipso quā in deo confidens. Quapropter hic merito reiectus, & ille electus est. Quod conuenit, quod quę sublimiora & meliora sunt opera, eo minus splendent. Ad hęc quod unusquisque presumit sese opera facile facturum. Cernimus enim neminem adeo simulare sese dei nomen & gloriam laudare, ut eos qui hoc nunquam faciunt, & eo opere quando cor sine fide est, precioso operi contemptum conciliant. Ita ut sanctus Apostolus Paulus non dubitaret ad Ro. ij. libere dicere, eos potissimum dei nomen blasphemare, qui se de lege dei iactant. Nam nomen dei nominare, & honorem eius papyro & parieti inscribere, facile factum est, sed ipsum ex animo laudare, & benedicere in eius beneficijs, & constanter in omnibus aduersitatibus inuocare, hęc sane rarissima, & summa omnium operum post fidem sunt. Adeo, ut si videre liceat quam pauci sint horum in reipublica Christiana, possemus pro calamitate mori, interim tamen semper crescentibus sublimibus pulchris, superni iudicij operibus ab hominibus excogitatis, quę his ueris operibus colore sint similia, inuis uero & in fundamento omnis & fidei & fiducia expertia, & quę nihil prorsus habeant boni. Ita reprehendit Isaias xlvij. populum Israhel. Audite hęc domus Jacob qui uocamini nomine Israhel, & de aquis Iuda existis, qui iuratis in nomine Domini, & Dei Israhel, recordamini non in ueritate, neque in iustitia. Hoc est, quod hęc non uere in fide & fiducia faciebant, quę uera est ueritas & iustitia, sed confisi in seipsis, sua opera, & suas uires. Dei tamen inuocabant & laudabant nomen, quę non conueniunt.

VIGESIMOPRIMO.

¶ Primum ergo opus huius pręcepti est, Deum laudare in omnibus suis beneficijs, quę inestimabiliter multa sunt, ita, ut huiusmodi laudis & gratiarum actionis merito nulla, neque intermissio, neque finis esse debeat. Nam, quis eum possit perfecte pro naturali laudare uita, ut taceam pro omnibus temporalibus & semperternis bonis. Ita est homo hoc unico capite huius pręcepti bonis & preciosis operibus obrutus & accumulatus. Quibus si uera utatur fide, sane non frustra hic fuerit. In hac autem re nemo mortalium uehementius peccat speciosissimis sanctis, sibi ipsis

Laudare deū